



Broj, 01-07-10-51-205/2024  
Sarajevo, 23.08.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 02.09.2010. godine, 08-02-3645/2013 od 24.09.2013. godine, 08-02-388-1/2014 od 22.01.2014. godine i 08-07-2-3459/2021 od 29.09.2021. godine, rješavajući po zahtjevu za pristup informacijama Ivana Čure, [REDACTED] od 09.08.2024. godine, predsjednik Visokog sudskog i tužilačkog vijeća Bosne i Hercegovine donosi

## RJEŠENJE

**Odobrava se** pristup informacijama u vezi sa imenovanjem: S [REDACTED] K [REDACTED] na poziciju tužioca Tužilaštva Bosne i Hercegovine, A [REDACTED] S [REDACTED] na poziciju sudije Općinskog suda u Zenici i A [REDACTED] R [REDACTED] na poziciju tužiteljice Kantonalnog tužilaštva Srednjobosanskog kantona, diferencirano prema sljedećem:

- datumu imenovanja;
- datumu početka mandata;
- imenima članova konkursne komisije;
- imenima članova Podvijeća;
- informaciji da li je Ured glavne kantonalne tužiteljice Kantonalnog tužilaštva Zeničko-Dobojskog kantona davao preporuku prethodnog poslodavca u konkretnim konkursnim procedurama;
- informaciji da li preporuke donose dodatne bodove u konkursnoj proceduri.

## Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 09.08.2024. godine zaprimilo zahtjev Ivana Čure, [REDACTED] (u daljem tekstu: podnositelj zahtjeva) za pristup informacijama u vezi sa okončanim konkursom za imenovanje nosilaca pravosudnih funkcija u Kantonalnom tužilaštvu Srednjobosanskog kantona, Općinskom sudu u Zenici i Tužilaštvu Bosne i Hercegovine. Konkretno, traženi su podaci u vezi imenovanja S [REDACTED] K [REDACTED] sa pozicije tužioca Kantonalnog tužilaštva Zeničko-Dobojskog kantona na poziciju tužioca Tužilaštva Bosne i Hercegovine, A [REDACTED] S [REDACTED] sa pozicije tužioca Kantonalnog tužilaštva Zeničko-Dobojskog kantona na poziciju sudije Općinskog suda u Zenici i A [REDACTED] R [REDACTED] sa pozicije stručne savjetnice-saradnice-istražiteljice u Kantonalnom tužilaštvu Zeničko-Dobojskog kantona na poziciju tužiteljice u Tužiteljstvo Srednjobosanskog kantona, diferencirano prema datumu okončanja konkursne procedure, imenima članova Podvijeća, odnosno konkursne komisije, informaciji da li je Ured glavne kantonalne tužiteljice Kantonalnog tužilaštva Zeničko-Dobojskog kantona davao

preporuku prethodnog poslodavca za navedene nosioce pravosudnih funkcija u konkretnoj konkursnoj proceduri te da li su imenovani na temelju takve preporuke stekli dodatne bodove u konkursnoj proceduri.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

U odnosu na izreku rješenja pod a), b), c) i d) uvidom u službenu evidenciju, utvrđene su sljedeće informacije koje se taksativno navode za imenovane nosioce pravosudnih funkcija:

**S█████ K█████**, tužilac Tužilaštva Bosne i Hercegovine:

- Datum imenovanja: 13.04.2023. godine;
- Datum početka mandata: 08.05.2023. godine;
- Imena članova komisije: Snježana Petković, Halil Lagumdžija, Biljana Simeunović, Mustafa Šabić;
- Imena članova Podvijeća: Srđan Forca, Halil Lagumdžija, Biljana Simeunović, Saša Sarajlić, Mustafa Šabić.

**A█████ S█████**, sudija Općinskog suda u Zenici:

- Datum imenovanja: 23.03.2023. godine;
- Datum početka mandata: 10.04.2023. godine;
- Imena članova komisije: Biljana Simeunović, Jadranka Stanišić, Sanela Gorušanović Butigan;
- Imena članova Podvijeća: Mustafa Šabić, Sanin Bogunić, Saša Sarajlić, Amila Kunosić, Sanela Gorušanović Butigan.

**A█████ R█████**, tužiteljica Kantonalnog tužilaštva Srednjobosanskog kantona:

- Datum imenovanja: 03.03.2023. godine;
- Datum početka mandata: 03.04.2023. godine;
- Imena članova komisije: Slavo Lakić, Duška Bogojević, Sanin Bogunić;
- Imena članova Podvijeća: Mustafa Šabić, Sanin Bogunić, Sanela Gorušanović Butigan, Saša Sarajlić, Amila Kunosić.

U odnosu na izreku rješenja pod e) uvidom u službenu evidenciju, utvrđeno je da VSTV BiH ne posjeduje navedene preporuke, odnosno da u pisarnici VSTV-a BiH takve pismene preporuke nisu registrirane.

U odnosu na izreku rješenja pod f) konstatovano je da se eventualne preporuke (ranijih) poslodavaca za kandidate u konkursnim procedurama za pravosudne pozicije, u skladu sa zakonskim i podzakonskim aktima, generalno ne uzimaju u obzir u postupku izbora i imenovanja nosilaca pravosudnih funkcija, niti iste mogu uticati na broj ostvarenih bodova kandidata, odnosno ne mogu predstavljati osnov za sticanje dodatnih bodova u konkursnoj proceduri budući da preporuke nisu definisane kao kriterij koji se boduje u ovom postupku.

Postupajući po zahtjevu podnositelja, a u skladu sa svim gore navedenim, odlučeno je kao u dispozitivu ovog rješenja.

#### **Pouka o pravnom lijeku:**

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog, a može se izjaviti i na zapisnik kod VSTV-a BiH. Žalba se podnosi putem VSTV-a BiH, a na istu se shodno odredbama Zakona o administrativnim taksama („Službeni glasnik BiH", br. 16/02, 19/02,

43/04, 8/06, 76/06, 76/07 i 98/12), plaća taksa u iznosu od 10 KM, po tarifnom broju 2. Tarife administrativnih taksi.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.

Dostavljeno:

1. Podnositelju zahtjeva
2. Odjelu za imenovanje i napredovanje
3. U spis



